

30 MAY 2001

AGONG UCAP TAHNIAH KEPADA PRESIDEN CROATIA SEMPENA HARI KEBANGSAAN

KUALA LUMPUR, 30 Mei (Bernama) -- Yang di-Pertuan Agong Sultan Salahuddin Abdul Aziz Shah mengutuskan ucapan tahniah kepada Presiden Croatia Stjepan Mesic sempena Hari Kebangsaan negara itu hari ini.

Seri Paduka menyatakan harapan agar republik Balkan itu dan rakyatnya terus menikmati keamanan dan kemakmuran.

Salinan perutusan Seri Paduka bersama ucapan tahniah Perdana Menteri Datuk Seri Dr Mahathir Mohamad dan Menteri Luar Datuk Seri Syed Hamid Albar kepada rakan sejawatan masing-masing, dikeluarkan Wisma Putra di sini.

Dr Mahathir dalam mesejnya kepada Ivica Racan berkata beliau gembira melihat Croatia terus mencapai kemajuan cemerlang dalam banyak bidang di bawah kepimpinan Racan.

"Saya berharap akan terus bekerjasama rapat dengan saudara untuk mempereratkan lagi persahabatan dan kerjasama yang sedia wujud antara kedua-dua negara kita," katanya.

Dalam ucapan tahniahnya kepada Tonino Picula, Syed Hamid berjanji untuk memperkukuhkan hubungan dua hala yang telah menunjukkan kemajuan penting sejak beberapa tahun kebelakangan ini.

-- BERNAMA
MAM AZZ RON